



Publicaziuns dalla vischnaunca, jamna 26

Agids da catscha Sezs aults e tegias da laghetg

Novas directivas

Igl 1. da zercladur 2016 ein las novas directivas per la construcziun d'agids da catscha entradas en vigur. Quellas ein publicadas sin la pagina d'internet dalla vischnaunca da Mustér sut www.disentis.ch/uaul – Downloads. Proximamein vegnan ils possessurs d'agids da catscha (sezs aults e tegias da laghetg) informai a scret sur dallas novas directivas. Medemamein vegn dau la caschun d'annunziar agids novs da catscha. Posts lubi che vegnan buca pli utilisai ston era vegnir annunziar. Plinavon vegn supplicau da controllar e tenor basegns curreger las coordinatas indicadas. Las annunzias davart agids novs da catscha, correcturas da coordinatas sco era annunzias davart agids da catscha ch'ein vegni sligiai ston succeder a scret entochen ils **20 da fenadur 2016** agl uffeci forestal, Via Cons 2, 7180 Disentis/ Mustér. Silsunter vegn attribuiu per mintga agid da catscha ina numera per nudar ils indrezs. Las numeras vegnan messas a disposiziun entras igl uffeci forestal. Agids da catscha ch'ein buca nudai entochen la fin da december 2016 cun la numera ufficala valan per buca annunziar e vegnan allontanai sin donn e cuost dil possessur.

Suprastonza communal

Container da vestgadira alla staziun dalla Viafier retica

Naven dalla fin da zercladur (jamna 26) vegn il container per la rimnada da vestgadira alla staziun dalla Viafier retica allontanau.

A partir dall'entschatta da fenadur stat sulettamein il container da vestgadira alla piazza da rimnada centrala a Raveras a disposiziun.

Nus supplichein da prender enconuschientscha ed engraziein per la capientscha.

Administraziun communal

Clom d'urgenza 118

Preziadas vischinas, preziai vischins Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat.

Il temps che va aschia a piarder ha ils davos dus onns caschunau la veta a duas personas el Grischn! Plinavon daventan ils donns cun mintga minuta spiarsa pli gronds. Perquei s'adressesin nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engraziel per Vies sustegn!
Vos pumpiers Sursassiala

Kloster Disentis

Der Präsident des Schweizer Bauernverbandes, Nationalrat Markus Ritter, im Disentiser Klosterforum Am Freitag, 1. Juli 2016, um 20.30 Uhr spricht im Peter-Kaiser-Saal Nationalrat Markus Ritter über das Thema: Die Schweizer Landwirtschaft – eine Erfolgsgeschichte? Wo liegen die Herausforderungen? Markus Ritter ist Landwirt in Altstätten, seit 2011 CVP-Nationalrat und seit 2012 Präsident des Schweizer Bauernverbandes.

Herzliche Einladung
Kloster Disentis, P. Urban Affentranger



Preavis fiera da Nadal 2016

Sco enconuschent ein las uniuns da dunnas da Tujetsch, Disentis/Mustér e Medel/Lucmagn sedecidas d'organisar alternont la fiera da Nadal. Uonn ha la fiera liug a Curaglia, e quei **sonda, ils 19 da november 2016** dallas 13.30–18.00.

Fagei aschi bien e reservei quei datum (organisaturas, expositurs e visitaders). Informaziuns detagliadas suondan el decuors digl uost.

Uniun da dunnas Medel/Lucmagn, la suprastonza
